

## **Matuiā a’afiaga o le soifua manuia o tagata Samoa ona o otaota ma vailaau oona e ala mai I oloa e gaosia I uga.**

**Apia (8 Novema 2024)** - O Samoa, o se tasi o atunuu o le Pasefika, ua mautu ana faiga faavae e taofia ai le faaaogaina o oloa ua fausia mai I uga, e pei o taga pepa iila, o fagu uga ma le tele o nisi oloa. Ae ui I nei faiga faavae ma laasaga uma ua faatino e le Malo o Samoa, e le o iai se fa’aitiitia o nei oloa, ma ua feagai ai Samoa ma se tasi o faafitauli, o le faatuputupulaia lea o otaota po o lapisi mai oloa ua fausiaina I uga, pe a uma ona faaaogaina.

O le tulimata’iaina o nei a’afiaga mo Samoa, ina ia mafai ona fa’aleo I luma o le Fono Tele o le Komiti o Fa’amanuiaga Fa’avae mo tagata soifua o le lalolagi, o le faamoemoe autu lea o le asiasiga a le Sui Fa’apitoa a le Malo Aufa’atasi, o Marcos Orellana.

“Ou te fa’amalo I le Malo o Samoa, ona o galuega ua faatinoina e aputiputi ai le saogalemu o ona tagata nuu ma lona siosiomaga, mai aafiaga ogaoga e mafua mai i otaota o oloa gaosia I uga, ma vailaau oona,” o le saunoaga lea a Marcos Orellana. O le Susuga ia Marcos Orellana, sa asiasi mai I Samoa I le amataga o le vaiaso nei I le vala’aulia ale Malo o Samoa, ina ia faatinoina se iloiloga, I le tulaga o nei otaota ma vailaau oona ma ona aafiaga I le siosiomaga ma le soifua manuia o tagata Samoa.

E tele ni itu taua ma ni itu e tatau ona ave iai le faamuamua na ia molimauina mai lana asiasiga.

Na ia taua, e manaomia e Samoa fesoasoani tupe, o le agavaa ma le tomai faapitoa e faatino fuafuaga e tatau ma lelei ina ia foia ai le faatuputupulaia o lenei faafitauli mo Samoa.

E talitonu foi lenei Sui o le Malo Au Faatasi, ua tatau lava na faia ni fuafuaga tatau I atunuu ma kamupani latou o e gaosia oloa e pei o taga pepa iila, o vailaau mo manu faalafua ma faatoaga, o taavale ma isi oloa e faaoga iai le uga.

E tatau ona tulimata’i nei atunuu ma faatonuina ina ia taofia le gaosiina o nei oloa, pe faia foi ni faiga e saogalemu ai lo latou faaaogaina.

Na ia ta’ua foi, e le o iai se malosiaga I talanoaga ma faiga faavae fa’a va o Malo e puipuia ai atunuu mai aafiaga o nei otaota.

I le fonotaga a le Komiti e nafa ma faiga faavae ma aiaiga faatulafono e taofia ai le fausia ma le faaaogaina o oloa ua fausia mai I uga, ua iloa ai, e le o ave le faamamafa I atunuu ma kamupani o loo soona fausia le tatau nei oloa ona o tulaga e maua ai tupe, ae ua faaifo o latou manatu I le vaivai ma le le gapatia o atunuu laiti latou te foia lenei faafitauli.

O se va’aiga faanoanoa lea I le manatu o Marcos Orellana, ona o tagata soifua uma, e tatau ona ola sa’oloto I si’osi’omaga mamā ma lauūsiūsi aua lo latou soifua manuia.

“O faamanuiaga faavae na o le tagata saoloto, e ola ma soifua fiafia ma manuia I se lalolagi o loo maua ai le suavai mama ma fua o le eleele aua taumafataga lelei mo le soifua maloloina.”

“E taua tele foi le malamalama o tagata, I fa’amatalaga e uiga I aafiaga o nei oloa ma nei otaota I lo latou siosiomaga ma lo latou soifua manuia, e taua tele foi ina ia latou maua le avanoa e faaleo ai nei Mataupu ua aafia ai latou.”

I le faaiuga o lana asiasiga, na faailoa lona agaga faafetai I galuega taua ua tino mai, aua le foia o lenei faafitauli e pei o le Moana Taka. O se tasi o galuega fai faatasi a le Malo o Samoa ma pisinisi tu maoti e tapena ma momoli ai otaota nei, I atunuu I fafo o lo’o mafai ona toe fa’aaogaina nei uga e fausia ai nisi oloa.

Ae na ia faailoa foi nisi o itu e tatau ona faaleleia, e pei o le fa’aaogaina o vailaau e faga ai vao (paraquat) o faatoaga ma vaomatua. Ua ia manatu e tatau ona va’avaai I nisi vailaau e le tele so latou a’afiaga ma nisi faiga e saogalemu mo fa’atoaga. Ua ia manatu foi, ua tatau lava ona taofia le fa’atauina mai o nei vailaau o’ona ma aua nei toe fa’atauina le atunuu latou te fa’aaogaina, ae ia a’oa’o lelei I latou I ona itu ogaoga ma le matuia e aafia ai lo latou soifua.

O le faanoanoaga o le Marcos Orellana, o atunuu latou te gaosia nei vailaau, latou te le o faaaogaina, ona o lo latou manumanu I soifua o o latou tagatanuu. Ae le o popole I latou I soifua o tagata o isi atunuu ua latou faatau iai nei vailaau, o le mea sili o loo maua ai pea a latou tupe.

O le isi faafitauli na ia maitauina, o le tele naua o kamupani faatau taavale I Samoa ma ua maua lava le numera o taavale fa’aaoga I Samoa. “O pa’u taavale ma totoga o taavale pea le toe faaaogaina, o nisi nei o otaota o leiloa e Samoa pe faafefea ona tapena ma faaitiitia.” O lea foi ua aumai e Samoa, o taavale e fa’aaoga ai le eletise (electric vehicles) ae iai vailaau oona e maua mai ai, ma o le fesili pe ua lava tapena Samoa I nei aafiaga.

“Ua tau au ina lilofia Samoa I otaota eseese, o oloa eletise, o oloa uga, o suau’u mai masini ma taavale, ua le gafatia e le vaega e faamautu iai otaota I Tafaigata ona faatafuna’i nei otaota.”

O le itu mautinoa lava, o lo’o tapena pea Samoa e foia le fa’afitauli lenei, ae, e le o se galuega e fai toatasi e le Malo o Samoa. E mana’omia le malamalama o tagata I nei a’afiaga ma e faaosofia ai manatu e fai a latou fa’aiuga lelei I le fa’aaogaina tatau o nei oloa ma le faaitiitia o nei otaota.

O itu taua ma aafiaga nei ua molimauina e le Susuga ia Marcos Orellana mai lana asiasiga, o le a tapena ai lana folasaga I luma o le Fono Tele a le Komiti mo Faamanuiaga Faavae o tagata soifua o lea a faia ia Setema 2025.

**The expert: Marcos A. Orellana** is the [Special Rapporteur on the implications for human rights of the environmentally sound management and disposal of hazardous substances and wastes](#).

The Special Rapporteurs are part of what is known as the [Special Procedures](#) of the Human Rights Council. Special Procedures, the largest body of independent experts in the UN Human Rights system, is the general name of the Council’s independent fact-finding and monitoring mechanisms that address either specific country situations or thematic issues in all parts of the world. Special Procedures’ experts work on a voluntary basis; they are not UN staff and do not receive a salary for their work. They are independent from any government or organization and serve in their individual capacity.

UN Human Rights country page: [Samoa](#)

For more information and media requests please contact the mandate's Secretariat:  
[hrc-sr-toxicshr@un.org](mailto:hrc-sr-toxicshr@un.org).

*For media inquiries related to other UN independent experts please contact Dharisha Indraguptha ([dharisha.indraguptha@un.org](mailto:धारिशा.इन्द्रगुप्ता@un.org)) or John Newland ([john.newland@un.org](mailto:john.newland@un.org))*

*Follow news related to the UN's independent human rights experts on X:  
[@UN\\_SPExperts](https://twitter.com/UN_SPExperts).*